

14/12

irizpena

Euskal Autonomia Erkidegoko ingurumen lankidetzarako erakundeak arautu eta ingurumen lankidetzarako erakundeen erregistroa sortzeko Dekretu Proiektuari Buruzkoa

Bilbon, 2012ko ekainaren 29an



CES
EGAB

Consejo Económico
y Social Vasco

Euskadiko Ekonomia eta Gizarte
Araozetarako Batzordea



*i*rizpena 14/12

I.- AURREKOAK

2012ko ekainaren 7an, Ingurumen, Lurralde Plangintza, Nekazaritza eta Arrantza Sailaren idazkia jaso zen Euskadiko Ekonomia eta Gizarte Arazoetarako Batzordean, *Euskal Autonomia Erkidegoko ingurumen lankidetzarako erakundeak arautu eta ingurumen lankidetzarako erakundeen erregistroa sortzeko Dekretu Proiektuari* buruzko txostena eskatzeko, Euskadiko Ekonomia eta Gizarte Arazoetarako Batzordearen maiatzaren 17ko 8/2012 Legearen 3.1.b) artikuluan ezarritakoarekin bat etorritz.

Euskal Autonomia Erkidegoak ingurumenaren eta ekologiaren arloko estatuko oinarrizko legeria betearazteko eta legeak garatzeko dituen eskumenak baliatzeko eta Euskal Autonomia Erkidegoko Ingurumenaren Babesaren otsailaren 27ko 3/1998 Lege Orokorrak herri administrazioei ematen dien ahalmena erabiliz, hain zuzen behar bezala egiaztaturiko erakunde publikoei edo pribatuei zaintzarako eta kontrolerako zenbait ahalmen emateko, honako helburu hau du dekretuak: ingurumeneko administrazio prozeduren esparruan egiaztapen, baliozkotze eta kontrol jarduketak egiten dituzten ingurumen lankidetzarako erakundeak arautzea. Halaber, erregistro bat sortu du, eta publizitate ondorioetarako, erakundeak eta horien zenbait datu inskribatuko dira bertan.

Ekainaren 8an ale bat igorri zitzaien Batzordearen osoko bilkurako kide guztiei, proposamenak eta iritziak eman ditzaten eta Lan Batzordeari helaraz diezazkieten, Euskadiko Ekonomia eta Gizarte Arazoetarako Batzordearen Funtzionamenduaren Arautegian ezarritakoaren arabera.

2012ko maiatzaren 25ean, Garapen Ekonomikoko Batzordea bildu zen lan-saioan Irizpenaren Aurreproiektuaren lehen proposamena eztabaidatzeko, eta ondoko Irizpen Proiektua onestea erabaki zuen. Proiektua EGABren 2012ko ekainaren 29ko bilkuran jarri zen aztergai eta bertan aho batez onetsi zen.

II.- EDUKIA

Gure irizpenpean jarritako Dekretu Proiektuak hitzaurrea, hogeita bi artikulua, lau xedapen gehigarri, bi xedapen iragankor eta bost azken xedapen ditu.

Halaber, bi eranskin ditu.

Hitzaurrea

Lehenik eta behin, Dekretu Proiektua txertatu den eskumen eta lege esparrua aipatzen da, eta beren beregi jaso da Euskal Autonomia Estatutuaren 11.1.a) artikulua. Horren bidez, EA Eri eratziki zaio ingurumenaren eta ekologiaren arloko oinarritzko legeria betearaztea eta legeak garatzea. Bestalde, Euskal Herriko Ingurumenaren Babesari buruzko Lege Orokorraren 106. artikulua aipatzen da, behar bezala egiaztaturiko erakunde publikoei edo pribatuei zaintzarako eta kontrolerako ahalmenak ematen dizkiena. Azkenik, zerbitzuen jarduerak eskuratzeari eta horien erabilerari buruzko 17/2009 Legean, zerbitzuak eskuratzeko eta ezartzeko prozeduren eta izapideen berrikuspena ezarri da.

Lege esparruan eginiko berrikuntzak direla-eta, ordenamendu funtzional berria behar dela ondorioztatzen da, baterako erantzukizunaren eta ituntzearen printzipio publikoak eta pribatuak aplikatuko dituen, espedienteen kudeaketan eredu aldaketa ekarriko duena. Helburu horiek lortzeko esparruan, ingurumen lankidetzarako erakundeak eratzen ditu ingurumen prozeduren oinarri diren aldetik. Hala, jarduerak egiaztatu, baliozkotu eta kontrolatzeko jarduerak egiteko baldintzak ezarri dira Dekretu Proiektuan, betiere jarduketetan nahikoa berme eta fidagarritasun izanik eta izapideak bizkortuz eta eraginkorragoak eginez. Halaber, erakunde horiek inskribatzeko administrazio erregistroa sortzea aurreikusten da.

Xedapenak

1. artikuluan, Dekretuaren xedea ezarri da: ingurumen araudiaren administrazio prozeduretan parte hartzen duten Ingurumen Lankidetzako Erakundeon araubide juridikoa ezartzea, baita erakundeon administrazio erregistroa sortzea eta arautzea ere.

2. artikulua dekretuak araututako terminoak eta kontzeptuak ulertzeko definizioak ezartzeari buruzkoa da: jarduera, jarduerak egiaztatzea, baliozkotzea, jarduerak kontrolatzea, jarduerak ikuskatzea, ingurumen

egiaztapena, ahalmen teknikoa, pertsonalaren barne kalifikazioa, erakundeen gaikuntza, ingurumen lankidetzarako erakundeak (ILE).

3. artikuluan, Euskal Autonomia Erkidegoaren ingurumenaren arloko eskumenak eratzikita dituen Sailaren funtzioak ezarri dira.

4. artikuluan, ingurumen lankidetzarako erakundeen sailkapena egiten da: ingurumena baliozkotzeko erakundeak eta ingurumena kontrolatzeko erakundeak. Gainera, bi lankidetzaz mota ezartzen ditu.

5. artikuluan, ingurumen lankidetzarako erakundeek bete ditzaketen funtzioak aipatzen ditu, ingurumena baliozkotzeko edo ingurumena kontrolatzeko erakundeak izatearen arabera. 14/12j

6. artikuluak ILEren jarduketaren gaineko eskaeren oinarriak jorratzen ditu.

7. artikuluak ILEren jarduketaren menpean dauden ingurumen prozedurak arautzen ditu, pertsona sustatzaileak eskatuta.

8. artikuluak ILEren jarduketaren menpean dauden ingurumen prozedurak arautzen ditu, ingurumenaren arloko eskumenak eratzikita dituen sailak eskatuta.

9. artikuluak jardueraren titularraren betebeharrak eta eskubideak ezartzen ditu.

10. artikuluak ILE erabiltzeko salbuespen kasuak arautzen ditu.

11. artikuluan, ingurumen lankidetzarako erakundeen komunikazio araubidea jorratzen da.

12. artikuluak komunikazioak konpontzeko araubidea ezartzen du.

13. artikuluak EAEko ingurumen lankidetzarako erakundeen erregistroa sortzea ezarri du.

- 14. artikulua** IL Eren erregistroan inskribatzea arautzen du.
- 15. artikulua** ingurumen lankidetzarako erakundeen betebeharrak ezartzen ditu.
- 16. artikulua** IL Eren baldintzen aldaketak arautzen ditu.
- 17. artikulua**, IL Eren informazioa bidaltzeko beharrak ezartzen ditu.
- 18. artikulua** ingurumen lankidetzarako erakundeen bateraezintasunak arautzen ditu, horien zerbitzuak eska ditzaketen pertsonen mendekotasuna eta partzialtasunik eza bermatzeko.
- 19. artikulua** baliozkotzeko eta kontrolatzeko eskumenak jorratzen ditu.
- 20. artikulua** ingurumen lankidetzarako erakundeei jarduera eteteko eta ezeztatzeko kasuak arautzen ditu, baita erregistrotik salbuestekoak ere.
- 21. artikulua** zigor-araubidea arautu du.
- 22. artikulua** telematika bidezko izapidetzea arautzen du.
- Dekretu Proiektua hauexekin dago osatuta: lau **xedapen gehigarri**, bi **xedapen iragankor**, bost **azken xedapen** eta bi **eranskin**.

III.- OHARBIDE OROKORRAK

Ingurumena zaintzeko, jagoteko eta babesteko eginkizunerako ingurumen politika eraginkorra ez dago soilik ordenamendu eta tresna juridiko egokien menpe. Halaber, araudia eraginkortasunez aplikatzea ere behar du, baita araudiak exijituriko prozedurak gauzatzeko administrazio egiturek duten ahalmena ere.

Ildo horretan, eta Batzordeak lehen ere esana duenez ¹, ingurumen-espeditenteen izapidetzeak ez ditu beti izan bizkor eta eraginkortasunez jarduteko nahikoa administrazio eta giza baliabideak eta baliabide materialak. Izan ere, batzuetan atzerapenak izan ditu; are gehiago, etenaldia gertatu izan da askotan ekonomi jarduerarako askotan funtsezkoak diren proiektuen eta instalazioen kalterako.

Baliabiderik ezaz gain (askotan gertatzen dena), beste hau ere gehitu behar dugu: ingurumena babestearen arloan egin beharreko kontrol eta zaintza lanek dakarten aniztasunak eta zailtasunak espezializazio tekniko maila handia eskatzen dute, eta beti ez da izaten maila hori herri administrazioan.

Inguruabar horietan, administrazio prozedura konplexuetan ezarritako enpresa pribatuentzako baliabidea, frogatu izan denez, ez da tresna eraginkorra industri jardueri buruzko administrazio espeditenteen izapidetzea hobetzeko eta bizkortzeko -baina badu nolabaiteko kritika, zeren eta araudian zenbait eskakizun exijitzen baitira eta administrazioak ez baititu horiek betetzen direla ebaluatzeko beharreko baliabide propioak-. Horrek guztiak kostua dakar hirugarren batek emandako zerbitzuaren kontraprestazio gisa, eta estutasunak izateko arriskua ikusten da erakunde kolaboratzaileen eskaintza nahikoa zabala eta gaudimenduna eskuratzeko modurik eman ezean.

Galdetu zaigun Dekretu Proiektuak arautzen duen ingurumen lankidetzarako erakundeei agindu zaie ingurumen-espeditenteak egiaztatu, baliozkotu edota kontrolatzeko eginkizunak gauzatu ditzaten, ingurumenaren arloko eskumenak eratzikita dituen sailarekin lankidetzan, hain zuzen ere ingurumen-espeditenteen administrazio izapidetzeen prozesuen esparruan. Hona hemen helburua: espeditente horiek bizkorrago eta eraginkortasun handiagoz egitea. Testuinguru horretan, balorazio positiboa egiten dugu araudia egiteko ekimen horri buruz; izan ere, estatu eta autonomia legeriak eskaintzen dituen posibilitateak baliatuz, izaera ematen dio administrazio prozedurak kudeatzeko ereduari erakunde kolaboratzaile publikoei edo pribatuei bidea ematen dien ingurumen arloan. Gainera, izapideetan bizkorrago eta eraginkortasun handiagoz jardun nahi da.

¹ 11/08 Irizpena, Euskal Herriko Ingurumenaren Babesari buruzko otsailaren 27ko 3/1998 Legea aldatu duen Legearen Aurreproiektuari buruzkoa.

Gainera, araupetze berritzailea da, hutsune bat betetzea ahalbidetzen duena. Hala, beharrezko kontrola egin daiteke indarreko araudiak exijituriko ingurumen prozedurekin lotutako jarduerak egiaztatzeko, baliozkotzeko eta kontrolatzeko zerbitzuak egiten dituzten erakundeetan, eta bermatu egiten da jarduera hori nahikoa berme eta fidagarritasunarekin egiten dela eta ingurumeneko administrazio-espeditenteak izapidetzeko eta ebazteko bizkortasun eta eraginkortasun handiagoa lortzeko nahi diren helburuak betetzen direla.

Ingurumen-izapidetzearen ereduan sortu eta txertatzen da ingurumen lankidetzarako erakunde horientzako helburuak lortzeko eta azkenean eraginkortasun handiago hori deuseztatu lezakeen egoera oro saihesteko, Batzorde honen iritziz, helburuak betetzeko kautela eta berme osagarriak ezarri beharko lirateke; izan ere, ingurumen lankidetzarako erakundeentzako errekurtsorako ezarri dira.

- Hala, halako moldez eratu behar da sistema non nahikoa berme jarri ahal izango baita erakunde horietan, baina jartze ondorioz ez litzateke esku hartzeko bigarren instantziarik ezarri beharko eta, beraz, lankidetzan diharduten administrazio organoak berak eginikoa berriz berrikusiko luke ILEk.
- Beharrezko oreka ematea sistemari erakundeen ahalmena egiaztatzeko funtzioak betetzeari begira, ingurumeneko administrazio prozeduren esparruan bete beharreko funtzioak hain zuzen. Hala, bermatu egingo da horrelako erakunde motaren eskaintzaren zorrotasuna eta zabaltasuna, eta saihestu egingo dira haiek baliatzen dituzten agente pribatuei emandako zerbitzuen prezioetan eragin txarra izan lezaketen monopolioak.
- Gardentasun mekanismo eraginkorrek ematea sistemari. Ildo horretan, eginkizun garrantzitsua bete behar du Dekretuak sortzea aurreikusten duen Ingurumen Lankidetzarako Erakundeen erregistroak, eta ingurumen lankidetzarako erakundeek gaitzuntza, bermea eta fidagarritasuna hobeto ziurtatzea ahalbidetzeko. Ildo horretan, gehiago sakondu beharko lirateke Dekretuaren testuan erregistroaren publikitatea

egiteko moduari eta erregistraturiko ILEren datuak eguneratzeko eta argitaratzeko aldizkakotasunari buruzko ezaugarriak.

Oharbide orokorren idatz-zatia amaitzeko, Dekretuaren egiturako manuen azalpen argia eta ordenatua dagoela esan behar dugu, baina Dekretu Proiektuak darabilen ILE laburdura ere aipatu behar da, ingurumen lankidetzarako erakundeak izendatzeko erabilia, hain zuzen ere zenbait erakunde publikoren eta pribaturen eremuan administrazioko erakunde kolaboratzaileei esleitua.

IV.- OHARBIDE ESPEZIFIKOAK

Oharbide orokorrak eginda, Euskadiko EGABek egokitzat jotzen du honako oharbide espezifiko hauek egitea Dekretu Proiektuari:

14/12j

2. ARTIKULUA. Definizioak

“Jarduera”ren definizioa ez da argia. Gainera, Dekretu Proiektuko terminoen koherentziari eta trazabilitateari eutsi beharko litzaieke arloari buruzko beste araudi batzuetan erabili direnekiko. Hala, jarduera edozein “unitate tekniko finkoa” dela ezarri da; *kutsaduraren prebentzioari eta kontrol integratuari buruzko uztailaren 1eko 16/2002 Legean*, berriz, “unitate tekniko finko” gisa definitu da INSTALAZIOA.

4. artikuluan, “jarduera” eta “instalazioa” sinonimoak dira, baina definizioen atalean ez da ageri “instalazioa”.

Bestalde, definizio berria gehitzea gomendatzen dugu, adierazpen arduratsuari dagokionez, kontzeptuak Dekretuaren testuan duen garrantzia dela-eta:

“Adierazpen arduratsua: jarduera baten titularrak, bere erantzukizunpean, indarreko araudian ezarritako baldintzak betetzen dituela adierazteko izenpeturiko agiria da, hain zuzen ingurumen-prozeduren menpeko jarduerak egiaztatzeko, baliozkotzeko eta kontrolatzeko jarduketak betetze aldera. Gainera, jarduerak indarrean jarraitu bitartean betetzen jarraituko duela hitzartzen du agiri horretan”.

3. ARTIKULUA. Euskal Autonomia Erkidegoaren ingurumenaren arloko eskumenak eratzikita dituen Sailaren funtzioak.

Dekretu Proiektuaren 20. artikuluan, Euskal Autonomia Erkidegoko ingurumenaren arloan eskumenak eratzikita dituen sailak ingurumen lankidetzarako erakundeen erakundeak etetea eta ezeztatzea jorratzen da, eta artikulua horrekin bat etorriz, eginkizun hori 3. artikuluan aipaturikoei gehitzea gomendatzen dugu, ingurumenaren arloan eskumena duen sailaren eskumen-esparrukoak diren aldetik.

d) idatz-zatia: “**ingurumen lankidetzarako erakundearen jarduerak etetea eta ezeztatzea.**”

14/12j

4. ARTIKULUA. Ingurumen lankidetzarako erakundeen sailkapena

Xedapena idatzita dagoen moduan zalantzak pizten dituen gai bat argitzea gomendatzen dugu: ingurumen lankidetzarako erakunde batek ingurumenaren arloan eginiko egiaztapena administrazioak eskatuta egin daitekeen edo soilik sustatzailearen ekimenaz.

Ingurumen-egiaztapenerako erakundeek jarduketa hori egingo dute aurretik sustatzaileak eskaera eginda, testuan aipatzen denez. Ez dago argi sustatzailea organo eskuduna izan daitekeen, zeren eta, 5. artikuluan ezarritakoaren arabera, honako hauxe baita ILeren eginkizunetako bat: “*Ingurumenaren arloko eskumenak eratzikita dituen sailari laguntzea ikuskapen lanetan sailak hala eskatzen duenean, jardueretan ingurumen-egiaztapen partzialak edo osoak eginez. Ondoren txostena egingo du.*”

Hortaz, ILeren eginkizunetako bat administrazioari laguntzea izan badaiteke, komenigarria izango litzateke 4. artikuluan adieraztea jarduketa sustatzaileak nahiz administrazioak eskatuta izan daitekeela.

5. ARTIKULUA. Ingurumen lankidetzarako erakundeen funtzioak

2.b.) idatz-zatian bestela idaztea proposatzen dugu, honelaxe:

“erakunde horiek **aldizkako** laginak hartu eta neurriak eta azterketak egingo dituzte erakundeok funtzionamenduaren kontrolen eta egiaztapenen adostasuna ebaluatzeko. Horiek guztiak **araudi aplikagarrian ezarri dira edo baimenean jaso dira** jardueraren bizitza baliagarri osoan”.

Halaxe dago xedatuta, zeren komenigarria baita are gehiago nabarmentzea ingurumen legeriak bere araudi zehatzean behartzen dituen kontrolak; izan ere, jardueraren arabera aldatzen dira legeak, eta egungo xedapenetan ez da nahikoa argi jaso.

7. ARTIKULUA. ILEren jarduketaren menpeko ingurumen prozedurak

Batzorde honek egokitzen du artikulua honetan aipatzea lurzoruaren kalitatea ikertzeko eta berreskuratzeko erakundeen egiaztapena egiteko Dekretu honetan xedatu dena bete behar dela: lurzoruaren kalitatea ikertzeko eta berreskuratzeko erakundeak egiaztatzeako sistema ezarri eta erakunde horiek lurzoruaren kalitatearen inguruan egin beharreko ikerketen edukia eta norainokoa finkatu dituen urriaren 10eko 199/2006 Dekretuan. Egokia izango litzateke Dekretu Proiektu honen bigarren xedapen gehigarria ere aipatzea, zeren araudi hori aipatzen baitu eta lurzoruaren kalitatea ikertzeko eta berreskuratzeko egiaztaturiko erakundeak EAeko Ingurumen Lankidetzarako Erakundeen Erregistroan inskribatzea aurreikusten baitu.

14/12j

9. ARTIKULUA. Jardueraren titularren betebeharrak eta eskubideak.

1.b) idatz-zatian, hauxe gehitzea gomendatzen dugu: “**baita beharrezko laguntza eta lankidetzaren ematea**”.

Hori gehitu beharko litzateke, zeren eta, xedapenaren testuan agertzen diren laguntza eta lankidetzaren arloko jarduketa zehatzez gain, beharrezkoa baita lankidetzan aritzeko beharra beren-beregi jasotzea ere.

2.b) idatz-zatian, hauxe gehitzea gomendatzen dugu: “**adierazpen horiek espedientearen sartuko dira**”, segurtasun juridikoa nabarmentzeko.

11. ARTIKULUA. Komunikazio araubidea

2. idatz-zatian, komunikazioa gauzatzeko erantsi beharreko dokumentazioari dagokionez, hauexek gehitzea proposatzen ditugu:

- a) hizkian, **Estatutuak** gehitzea proposatzen dugu.
- c) hizkian, *c) Teknikarien eta zuzendarien zerrenda, pertsonalaren CVak barne*, ziurtagiriak eta titulazioak sartzea komeni dela irizten diogu, informazio beharkizunei buruzko II. eranskinean ezarritakoa betetzen dela egiaztatu ahal izateko, ENAC ziurtagiria eskuratuta dagoenean izan ezik. Komenigarri irizten zaio ere laneko harreman motaren aipamena sartzeari, baita erakundean betetzen duten eginkizuna eta erakundearen egitura eta organigrama eta lanbide esperientzia ere.
- f) idatz-zatian, gaitasun teknikoaren egiaztapena aipatzen duen egungo testuan honako idazketa eta eduki hauek gehitzea proposatzen ditugu: **“antolamendu egiturarena nahiz pertsonalarena. Pertsonalak gaitasun eta esperientzia egokia izan behar du kontrolerako ingurumen erakundeari dagozkion funtzioak betetzeko; izan ere, behar bezalako trebakuntzaren eta beharrezko ezagutzaren jabe izan behar du, baita baliabideak eta ekipamenduak eduki ere”**.
- Hauxe ezarri da g) idatz-zatian: “Horrelakoa edukiz gero, ISO9000, ISO14000, etab. kudeaketa sistemen ziurtagiriaren kopia”. Horri dagokionez, gure ustez, ziurtagirien kopia horiek betekizuntzat ezarri behar dira. Osterantzean, kendu behar dira, zeren egun idatzita dagoen moduak balio erantsi txikia baitu, eta estilo formulazioa ez da batere esanguratsua “edukiz gero” erabiltzea beharkizunak baliozkotzeko prozeduraren testuinguruan.
- Azkenik, i) idatz-zatia gehitzea proposatzen dugu. Bertan, **identifikazio fiskaleko zenbakia (IFZ) edo identifikazio fiskaleko kodea (IFK) eskatuko da**. Eta j) idatz-zatia ere bai: **“Haren jarduketaren ondoriozko erantzukizuna estaltzeko aseguru-poliziaren kopia”**.

13. ARTIKULUA. Euskal Autonomia Erkidegoko Ingurumen Lankidetzako Erakundeen Erregistroa.

Lehen idatz-zatian 3. lerroaldea gehitzen proposatzen dugu: **“Erregistroko idazpenak publikoak izango dira”**. Erregistro horretan inskribatzearen publizitate izaera nabarmendu nahi da hala.

15. ARTIKULUA. Ingurumen lankidetzarako erakundeen betebeharrak

Lehenik eta behin, ILEren betebeharren sekuentzian akatsa dagoela esan behar dugu; izan ere, d) gisa ageri da h) izan beharko lukeena eta, ondorioz, i) izan behar da h) gisa ageri dena.

14/12j

Ohar hori eginda, h) idatz-zatian ingurumen organoari informazioa bidaltzea aipatu nahi dugu. ILEren arabera, ingurumenaren arloan eskumena duen Sailari bidali beharko zaion jardueren urteko txostena egin beharko dute mugaeguneraturiko urteko lehen bi hileetako epean. Txosten hori gutxienez 5 urteko epealdian artxibatu beharko da. Informazioa bidaltzeari buruzko 17.1. artikuluan, aurreko manuko txostena ingurumen organoari bidaltzea ezarri da, eta 15.h) artikuluan aipaturiko txostena aipatu behar da 15.g) artikuluan barik.

Txosten bera denez gero, txostena bikoiztuta organo eskudunari eta ingurumen organoari bidaltzea proposatzen dugu.

15. ARTIKULUA. Ingurumen lankidetzarako erakundeen betebeharrak.

j) idatz-zatia gehitzea gomendatzen dugu. Hauxe: **“Independentzia, partzialtasunik eza eta osotasuna jagotea, baita erakunde kolaboratzaile gisa egiten duen jarduerako zerbitzuak egiten direneko instalazioen edo jardueren gaineko isilekotasuna ere, eta inhibititu beharra dago bateraezintasuna denean”**.

19. ARTIKULUA. Baliozkotzeko eta kontrolatzeko eskumenak

2 idatz-zatian, hauxe gehitzea gomendatzen dugu: “**Edozelan ere, ikuskariei instalazioetan sartzea eta erakunde kolaboratzaile gisa dituen jarduerekin lotutako dokumentazioa eskuratzea ahalbidetu behar die erakunde kolaboratzaileak ikuskariei**”, ILEei buruzko ingurumenaren arloan eskumena duen sailaren kontrol eta ikuskapenaren arloko lanak errazteko eta ahalmenak osatzeko.

20. ARTIKULUA. Ingurumen lankidetzarako erakundeei jarduera etetea eta ezeztatzea

14/12j
1.c) idatz-zatian, hauxe gehitzea gomendatzen dugu: “**Faltsutasuna edo engainuzko aldaketa,.....**” Ingurumen lankidetzarako erakunde bat eten eta erregistrotik baztertu izanaren ondorioz.

I. ERANSKINA. Ingurumen Lankidetzarako Erakundeen Zinpeko Adierazpena

Adierazpen arduratsuaren orde zinpeko adierazpena ezartzea gomendatzen dugu, zerbitzuen Europako zuzentaraua gure ordenamendu juridikora ekartzeko indarreko araudiari gehiago egokitzen zaiola eta.

V.- ONDORIOA

Euskadiko EGABek egokitzen jotzen du galderaren xedeko Dekretu Proiektuaren izapidetzea, Irizpen honetan eginiko oharbideekin.

Bilbon, 2012ko ekainaren 29an

O.E. Presidentea
Juan María Otaegui Murua

Idazkari Nagusia
Francisco José Huidobro Burgos



CES
EGAB

Consejo Económico
y Social Vasco

Euskadiko Ekonomia eta Gizarte
Arazoetarako Batzordea

©Argitalpena: EEGAB

Gran Vía 81, 7. solairua
48011 Bilbao. Bizkaia
www.cesvasco.es

Maketazioa: EEGAB

Inprenta: Gestingraf

Lege Gordailua: BI-1285-12